

ZAPISNIK SA 36. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U SRIJEDU, 31.01.2023. GODINE

Prisutni: Džemal Kahrica; Merima Kurtović-Pašalić; Elvis Čengić; Mubera Herac; Samir Gadžo; Neda Tadić; Edis Fočo; Nihad Arnautović; Josip Sogović; Ekrem Agić; Dragan Miljević; Mustafa Baručija;
Odsutni: Amir Džidić; Rifat Kukić; Omer Bukić; Sadin Kavazović—**opravdano**
Gost: Damir Smital, predsjednik Skupštine sindikata

Dnevni red:

1. Zapisnik sa 35.redovne sjednice UO SSR u BHRT-u
2. Prijedlog plana aktivnosti za organizaciju 8. Skupštine SSR u BHRT-u
 - Izvještaj o radu (E.Čengić)
 - Prijedlog delegata i članova UO (Dž.Kahrica i E.Čengić)
 - Objava javnog poziva za predsjednika SSR u BHRT-u
3. Aktualna situacija u BHRT-u
4. Blagajnički izvještaj
 - Odluka penzioneri 2022.g (Dž.Kahrica)
5. Adriatic izvještaj
6. Pomoć
 - Izmjene Pravilnika o dodjeli pomoći (Dž.Kahrica i E.Čengić)
7. Razno

AD 1. M.Kurtović-Pašalić je na osnovu člana 35. Statuta Samostalnog sindikata radnika u BHRT-u, otvorila 36. sjednicu UO SSR u BHRT-u i predložila dnevni red koji je jednoglasno usvojen. Zapisnik sa 35. sjednice UO sindikata su jednoglasno usvojen.

AD 2. D.Smital je uputio rukovodstvu sindikata prijedlog plana organizacije Skupštine obzirom na limitirano vrijeme za održavanje same skupštine. Zakon nas obavezuje da dostavimo finansijski izvještaj ministarstvu pravde do 30.04. Prema riječima D.Smitala u dosadašnjoj praksi je bilo da se izbjegava održavanje skupštine na značajne vjerske datume, a u ovome periodu ih ima dosta, pa bi trebalo povesti računa i o tome. Obzirom da je izborna Skupština, treba voditi računa da treba provesti cjelokupan izborni proces, počevši od podružnica do organa sindikata. Uz to potrebno je pripremiti i izvještajni dio Skupštine, te je predložen jedan okvirni plan aktivnosti u pripremi Skupštine.

Nakon što bude kompletna lista kandidata za UO, prema riječima D.Smitala trebalo bi obaviti konsultacije sa svim budućim članovima UO, kako bi se pripremio i izbor potpredsjednika. Iako potpredsjednike bira Upravni odbor, ovlaštenje o zastupanju sindikata im daje Skupština, te bi trebali imati to definisano prije Skupštine.

Jednoglasno je usvojen zaključak da sve podružnice dostave odluke o povjereništvu i odluke o prijedlozima članova UO do 20.02.2023.godine.

UO sindikata je jednoglasno usvojio Odluku o izvještaju o radu UO za 2022.godinu.

UO sindikata je jednoglasno usvojio zaključak da broj delegata za Skupštinu sindikata ostaje isti kao i na prethodnoj skupštini a Izvršni sekretar se obavezuje da svim povjerenicima dostavi spisak elektronskim putem koji broj delegata dolazi iz njihove podružnice, kako bi im se olakšao proces izbora delegata za samu Skupštinu.

UO Sindikata je jednoglasno usvojio javni poziv za predsjednika sindikata
Izabrani kandidat će vršiti funkciju predsjednika u periodu 2023-2027 godine. Uslov za kandidaturu je članstvo u SSR u BHRT-u duže od 6 mjeseci. Kandidati su uz svojeručno potpisanu prijavu, dužni dostaviti kraći CV, program rada sindikata za 2023 godinu i program rada sindikata za period 2023-2027.Kandidature se predaju izvršnom sekretaru SSR u BHRT-u, g-dinu Elvisu Čengiću.

Rok za dostavljanje kandidatura je 20. 02. 2023. godine. Upravni odbor SSR u BHRT-u će izvršiti provjeru valjanosti svih kandidatura. Odluku o izboru predsjednika donosi Skupština SSR u BHRT-u.

AD 3. M.Kurtović-Pašalić je informisala UO da je održan sastanak sa menadžmentom BHRT-a 18.01.2023.godine na kojem nije prisustvovao predsjednik sindikata.. Sindikat je tražio da visina boda ostane ista i insistirali da se poveća cijena toplog obroka. Plan je menadžmenta da ostane bod isti kao ina posljednjoj plati a što se tiče toplog obroka razmatrana je mogućnost povećanja za 2KM ali kako su istakli da je zbog velikeog iznosa na mjesečnom nivou trenutno neizvodivo ali da imaju u planu u nekom narednom perriodu zavisno od priliva sredstava.

Menadžment je informisao sindikat da je mjesečna pretplata manja za 70 000KM u odnosu na 2021.godinu. Krajem godine ističe ugovor sa EP i generalni direktor radi na tom pitanju a i čeka se formiranje vlasti. Isplaćene su otpremnine 280 000KM za odlaske u mirovinu a ostaje veliki problem izmirivanja doprinosa radnika prema PU. Menadžment ima u planu i donošenje novog cijenovnika usluga. Pokučat će se uticati na novu vlast na nivou Federacije za usvajanje Zakona o izvrčnom postupku što bi pomoglo u naplati rtv takse.

Zavod zdravstvenog osiguranja traži izmjenu ugovor sa Domom zdravlja kojem pripadaju radnici BHRT-a što bi značilo ukidanje ambulante u RTV domu i menadžment je tražio podršku sindikata. Rukovodstvo sindikata je uputilo dopis odmah nakon sastanka o potrebi ambulante u RTV Domu.

M.Kurović-Pašalić je izvjestila UO sindikat da je predsjedavajuća UO BHRT-a tražila da joj se dostave prije Nove godine imena dvije osobe koje bi ona pomogla . Sindikat je dostavio imena dvojice pomoćnih radnika sa najnižom platom. Nekoliko dana nakon toga E.Lemeš je tražio od sindikata broj računa kako bi uplatio donaciju u visini svoje naknade za najugroženije. Nakon kraće rasprave usvojen je zaključak da se u narednom periodu ustanovi iznos koju je g-din Lemeš uplatio sindikatu kako bi se najugroženijim uplatila sredstbva.

E.Fočo je postavio pitanje u vezi saopštenja UO BHRT-a koje je izašlo u javnost a tiče se smanjenje broja radnika? M.Kurtović-Pašalić je pozvala da se UO sindikata odredi po pitanju saopštenja u kojem između ostalog stoji **...menadžment BHRT-a napravio je plan smanjivanja broja uposlenih, pripremio brojne konkretne mjere štednje i nastavak aktivnosti na naplati svojih potraživanja koja su predmet sudskih postupaka. U planu je iznajmljivanje prostora te prodaja zemljišta koja je u vlasništvu BHRT-a.** Nakon duže rasprave usvojen je zaključak da se uputi dopis menadžmentu sa pitanjem o smanjenju broja uposlenih kako je navedeno u saopštenju BHRT-a.

UO sindikata je usvojio zaključak da se održi sastanak sa novim ministrom promenta i komunikacija po pitanju prava i potraživanja radnika.

AD 4. Blagajnički izvještaj D.Karšić za mjesec decembar 2022.godine je primljen k znanju.

Jednoglasno je usvojena Odluka o utrošku sredstava za članove sindikata koji su otišli u penziju u 2022.godini a koja iznosi 2.800,00 KM.

AD 5. Izvještaj M.Herac o poslovanju sa Adriatic osiguranjem za decembar 2022.godine je primljen k znanju.

AD 6. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec januar 2023. godine dobiju slijedeći članovi: Sačić Sabina 200 KM, Grbo Mensud 500KM, Asimović Timur 500KM. Ukupno 1.200,00 KM. Prijedlog komisije je jednoglasno usvojen.

UO je jednoglasno na osnovu zaključka sa 35.sjednice usvojio Pravilnik o dodjeli finansijske pomoći sa izmjenama koje glase: Član 13. Član sindikata u izuzetnim slučajevima oštećenja ili uništenja stambenog objekta u kome živi (kuca, stan) izazvanog isključivo u slučaju poplave, požara, snijega, vjetera i sl. ima pravo na jednokratnu novčanu pomoć u visini do 500 KM.

Uz zahtjev koji dostavlja komisiji član sindikata mora dostaviti i dokumente (prijavnica, uvjerenje, potvrda i sl.) nadležnih organa o prijavi adrese boravka, kao i o oštećenju ili uništenju stambenog objekta. Zahtjev o dodjeli pomoći po ovom osnovu na sjednici UO sindikata obrazlaže član UO sindikalne podružnice iz koje dolazi član sindikata.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Amir Džidić